

A2^r

Der Durchleuchtigenn
 Hochgeborenen Fürftin vnnd
 Frawen/ Frawen Chriftina/ Lant-
 grâuin zu Helffen/ Grâuin zu Katzen
 elebogen/ zu Dietz/ Nyda vñ Ziegen-
 han: Geporner Hertzogin zu Sach-
 fen/ Landtgrâuin zu Tûringen vnd
 Marckgrâuin zu Meyffen,
 meiner Gnedigen
 Frawen.

DVrchleuchtige Hoch-
 geporne Fürftin/ Gne-
 dige Fraw/ E. F. G.
 feind mein jnnig ge-
 pet vnd vntertânige
 dienft mit vleiß zuuor
 allezeit/ Gnedige fraw. Es mag E.
 F. G. kûndig fein/ oder nit/ das der
 Chriftlich vnnd hochlôblich Fürft,
 GEORG/ weyland Hertzog zu
 Sachfen etc. E. F. G. leiblicher va-
 ter/ lôblicher vnd feliger gedechtnis:
 Mein geringe perfon/ nach abfter-
 ben Herr Jeronymus Emfers/ Got-
 feligen/ gehn Dreßden gnedigklich
 A ij von

A2^v

von hinne berufft/ vnd dofelbft ehrlich vnd nottúrfftigklich mit geytlichem lehen verforget/ auch zu letzt mit einer Tumerey oder Canonicat zu Meyffen (on all mein begeren vñ andrer fürbit) auffs aller gnedigft verfehen hat/ des ich jm hie vnd dort ewigklich danck waiß vñ nachfrage.

Lob Her
tzog Georgē
zu
Sachsen

Wiewol ich zur felbigen zeit/ vor 20 jaren hie auch wol verfehen was/ vnd mein liebe muter felige vngern hinder mir hie lieffe/ die alters vnnd ſchwacheit halben nit ſo weit von hinne rayfen mocht/ auch endtlich hie geftorbē vñ begraben ift. Yedoch mocht ich dē hochberümpften Chriftlichen Fürften nichts verlagen vnnd abſchlahen/ weil er ſo ſtandthafft im glauben/ vnnd ſo tugentreych im leben/ vnd in eufferlichem Regiment gegen all ſeinen vnterthanen/ vom Adel vñ Burgern/ ſo gätz trewlich/ fürſichtigklich vnnd väterlich ſich erzeiget vnd hielte. In gutem frid vnd ehrlichem wandel. Vnnd folt er gelebt haben biß auff diſe ſtund/ es
folt

A3^r

folt gar vil vnrats/ nachteil vñ ver-
 derbens der feinen Landen vñ wol
 gebawten Stete/ die in kauffshan-
 deln vñ allem gewerb vnd handtie-
 rungen in groffem auffnemen wa-
 ren: weil sie vnter feinem Regiment
 allenthalben in fo gutem Landtfrid
 vnd ficherm webern jr narung zu fu-
 chen hetten. Jedoch hat der from-
 me aufferwelt Fürft nit wenig an-
 fechtens ſchmach vnnd nachredens
 müſſen leiden/ vñ vmb frids willen
 gedulden/ von dem beiffigen vñ vber-
 auß ftoltzem Münch/ dem Luther/
 der ein new Euangelium (welchs
 die löblichen Fürften zu Sachſen/
 Türingen vnd Meyſſen/ vorhin wi-
 der die Huffen vnnd Pickharden im
 kunigreich Behem gar hefftig/ be-
 ftendiglich vnd ritterlich/ mit leib
 vnd gut/ widerfochten hatten) inn
 obgemelten Landen erwercket vnd
 ein füret/ vnd hiemit hochgemeltem
 Fürften/ E. F. G. vater feligen/ vil
 hochmuts mit lefterſchriſſten/ vnd
 bei den verfürten vntherthanen wi-
 A iij derwillens

Luther
 wid⁹ H.
 Georgē.

A3^v

derwillēs beweißt hat/ wie E. F. G.
wol wiffen vnd aus Luthers ſchand
vnd ſchmach ſchriefften gefehen ha-
ben. Het man aber dem weyſen/
Gots fürchtigen/ vnd hocheſarnen
Fürften gehorcht vnnnd gefolget/ ſo
were vil groffes vnrats vnnnd ſcha-
dens/ in geytlichen vnd weltlichen
ſachen/ verhüter vñ vorblyben wor-
dē. Dis hab ich in vntertåniger wol-
meinung vnd getrewlichem mitlei-
den/ E. F. G. zu ehr vnnnd gedechtnis
des hochlōblichen Fürſtens/ meines
liebſten Herrns/ nit wōllen verhal-
ten/ mit angeheffter demūtigen bit-
ſolchs gnediglich vō mir im beſten
zuvermerckē. Gott wōlle allē vnfal
vnd betrübnuß/ darein vns das new
Euangelium gebracht vnd gefürtzt
hat/ durch ſein vnmeßliche gnad vñ
barmhertzigkeit/ in frid/ freud/ glück
vnnnd hail wenden/ damit wir imm
hauß Gottes widerumb in Chriſt-
licher eynigkeit fridlich bey einander
leben mögen. Geben zu S. Victor
bey

A4^r

bey Mentz/ am 3. tag Julij jm

1. 5. 48. Jar.

E. F. G.

Demütiger Capellan
Johan Cocleus Do-
ctor etc. Canonicus zu
Breßlau.